



# SLUŽBENI GLASNIK OPĆINE TEŠANJ

<b>IZDAVAČ:</b> Općinsko vijeće Tešanj <b>UREĐUJE:</b> Stručni odjel Općine Tel. <b>032/650-022</b> Trg Alije Izetbegovića 11, 74260 Tešanj E-mail: <a href="mailto:sajda.kleplic@opcina-tesanj.ba">sajda.kleplic@opcina-tesanj.ba</a>	Godina XLVIII - <b>Broj 4</b> Utorak, 05.05.2015. godine <b>T E Š A N J</b>	<b>ŠTAMPA:</b> Općina Tešanj Priprema: Sajda Klepić, Tehnički sekretar Vijeća "Službeni glasnik" izlazi po potrebi
--	---	---

Na osnovu člana 41. do člana 51. Zakona o prostornom uređenju i građenju ZE-DO Kantona ("Službene novine ZE-DO Kantona", broj: 1/14) i člana 14. Statuta općine Tešanj ("Službeni glasnik Općine Tešanj", broj: 11/07) Općinsko vijeće Tešanj na svojoj 29. sjednici održanoj dana 28.4.2015. godine, donijelo je:

## **ODLUKU O PRISTUPANJU IZMJENI I DOPUNI REGULACIONOG PLANA "POSLOVNA ZONA GLINIŠTE"**

### **Član 1.**

Pristupa se izradi Izmjene regulacionog plana "Poslovna zona Glinište" općina Tešanj (u daljem tekstu Plan).

### **Član 2.**

Područje za koje se vrši izmjena Plana obuhvata lokalitet kojim su obuhvaćene parcele označene kao k.č.broj: 57/1, 57/2 57/3, 58/2, 948/2 I 59, k.o. Jelah.

### **Član 3.**

Izmjena Plana donosi se na period od najmanje pet (5) godina od dana usvajanja.

### **Član 4.**

Rok izrade Nacrta Plana iz člana 1. Odluke je trideste (30) dana od potpisivanja Ugovora sa nosiocem izrade istog a rok za izradu Prijedloga Plana je trideset (30) dana od dostavljanja, nosiocu izrade, primjedbi i zaključaka na Nacrt plana.

### **Član 5.**

Sredstva za izradu Plana iz člana 1. Odluke obezbijedit će se iz budžeta općine Tešanj.

### **Član 6.**

Nosilac pripreme za izradu Plana je Služba za katastar, urbanizam i imovinsko-pravne poslove općine Tešanj.

### **Član 7.**

Izmjena Plana iz člana 1. ove Odluke povjerit će se nosiocu izrade koji je ovlašten za izradu planske dokumentacije i nalazi se u registru privrednih društava i drugih pravnih lica ovlaštenih za obavljanje stručnih poslova izrade planskih dokumenata, a kojeg odabere općina.

### **Član 8.**

Postupak izmjene Plana provest će se na način utvrđen Zakonom o prostornom uređenju i građenju ZE-DO Kantona ("Službene novine ZE-DO Kantona", broj: 1/14) i Uredbom o jedinstvenoj metodologiji za izradu dokumenata prostornog uređenja ("Službene novine FBiH", broj: 63/04).

### **Član 9.**

Do usvajanja Plana iz člana 1. ove Odluke primjenjivat će se odredbe Regulacionog plana "Poslovna zona Glinište" općina Tešanj Odluke o usvajanju i provođenju Regulacionog plana "Poslovna zona Glinište" općina Tešanj ("Službeni glasnik općine Tešanj", broj: 9/09).

### **Član 10.**

Ova Odluka stupa na snagu narednog dana od dana objavljivanja u »Službenom glasniku općine Tešanj«.

**OPĆINA TEŠANJ  
OPĆINSKO VIJEĆE**

**PREDSJEDAVAJUĆI VIJEĆA  
Senad N. Subašić, s. r.**

**Broj: 01-23-6-863-2/15  
Datum: 29.4.2015.godine**

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06) i člana 14. Statuta Općine Tešanj ("Službeni glasnik Općine Tešanj" broj 11/07), Općinsko vijeće Tešanj na svojoj 29. sjednici održanoj dana 28.4.2015. godine, donosi

## **ODLUKU o priznanjima Općine Tešanj**

### **Član 1.**

Ovom Odlukom utvrđuju se priznanja Općine Tešanj (u daljem tekstu: priznanja), kriteriji i postupak dodjele priznanja.

### **Član 2.**

Priznanja Općine Tešanj su:

- "Ključ grada",
- "Plaketa" i
- "Zahvalnica".

### **Član 3.**

Priznanje "Ključ grada" je najznačajnije priznanje Općine Tešanj.

"Ključ grada" dodjeljuje se u principu svake 4 (četiri) godine, a uz "Ključ grada" dodjeljuje se i odgovarajući tekst priznanja u prikladnom izdanju.

"Ključ grada" dodjeljuje se državljanima drugih zemalja, međunarodnim organizacijama, bosanskohercegovačkim i inozemnim gradovima, građanima Bosne i Hercegovine koji nemaju prebivalište na području općine i drugim pravnim licima koja nemaju sjedište na području općine.

### **Član 4.**

Priznanje "Plaketa" dodjeljuje se u vidu diplome uz grb Općine Tešanj (ovo opisuje dizajn) u prikladnoj izvedbi.

"Plaketa" se dodjeljuje ustanovama, privrednim društvima i drugim pravnim licima, i udruženjima građana, pojedincima i drugim subjektima za izuzetan doprinos u razvoju općine Tešanj u oblastima privrede, kulture, umjetnosti, obrazovanja, nauke, zdravstva, sporta, zaštite ljudskih prava, socijalne zaštite, zaštite i spašavanja ljudi i materijalnih dobara, te afirmaciji općine Tešanj.

„Plaketa“ se dodjeljuje u principu jednom u dvije godine, a ukupan broj predloženih kandidata za dodjelu prema Općinskom vijeću trebao bi biti maksimalno 5 (pet) kandidata.

### **Član 5.**

Konačan dizajn i materijal za „Ključ grada“ i „Plaketa“ utvrdit će Općinski načelnik javnim konkursom.

### **Član 6.**

Priznanje "Zahvalnica" dodjeljuje se ustanovama, privrednim društvima i drugim pravnim licima, udruženjima građana, pojedincima i drugim subjektima za izuzetan doprinos u razvoju općine Tešanj u oblastima privrede, kulture, umjetnosti, obrazovanja, nauke, zdravstva, sporta, zaštite ljudskih prava, socijalne zaštite, zaštite i spašavanja ljudi i materijalnih dobara, te afirmaciji općine.

### **Član 7.**

Pravo predlaganja kandidata za dodjelu priznanja „Ključ grada“ i „Plaketa“ imaju ustanove, privredna društva, vijećnici, radna tijela Vijeća, Općinski načelnik, udruženja građana, organi mjesnih zajednica, političke stranke, vjerske zajednice, grupa od najmanje 20 građana sa područja općine Tešanj i drugi pravni subjekti.

### **Član 8.**

Kandidat koji bude predložen za dodjelu priznanja „Ključ grada“ ili „Plaketa“ treba da:

- daje doprinos u razvoju općine Tešanj minimalno 10 (deset) godina, u pravilu u kontinuitetu,
- da nije dobio priznanje istog ili viših nivoa vlasti za područje i period zbog kojeg se kandidira Općinskom vijeću.

Od navedenog u prethodnom stavu izuzeti su sljedeći slučajevi:

- međunarodne orgnizacije i državljani drugih zemalja,
- neposredno spašavanje ljudi i imovine,
- druge jednokratne aktivnosti sa dugoročnim pozitivnim efektima na razvoj zajednice.

Priznanja "Plaketa" i "Zahvalnica" mogu se izuzetno dodijeliti pojedincima i posthumno.

### **Član 9.**

Odluku o dodjeli priznanja "Ključ grada" i "Plaketa" donosi Općinsko vijeće na prijedlog Komisije za odlikovanje i druga javna priznanja (u daljem tekstu: Komisija) koju formira Općinsko vijeće.

Priznanje "Zahvalnica" dodjeljuje Općinski načelnik na osnovu ukazane potrebe, bez prethodne komisijske procedure a kandidate za dodjelu ovog priznanja mogu predložiti i subjekti navedeni u članu 7. ove Odluke.

**Član 10.**

"Ključ grada" i "Plaketa" se dodjeljuju na Svečanoj sjednici Općinskog vijeća, u principu povodom 10. decembra – Dana grada Tešnja.

**Član 11.**

Postupak dodjele priznanja "Ključ grada" i "Plaketa" pokreće i vodi Komisija. Rad Komisije je javan.

**Član 12.**

Sastav Komisije je multidisciplinarnan. Komisija u svom sastavu ima zastupljena slijedeća područja - - rada i djelovanja i to:

- kultura/umjetnost, 1 član
- nauka/obrazovanje, 1 član
- zaštita ljudskih prava/socijalna zaštita, 1 član
- ekonomija/privreda, 1 član
- zdravstvo, 1 član
- nevladin sektor, sport, 1 član
- predsjedavajući Općinskog vijeća, 1 član

Članovi Komisije, osim predsjedavajućeg Općinskog vijeća, trebaju imati u minimalno 10 godina iskustva u oblasti iz koje se imenuju.

**Član 13.**

Komisija vrši slijedeće poslove:

- obavještava javnost putem javnog oglasa o uslovima i načinu predlaganja te roku podnošenja prijave, najkasnije do 10. oktobra u godini u kojoj se dodjeljuju priznanja,
- razmatra pristigle prijave i utvrđuje prijedlog za dodjelu priznanja,
- podnosi Vijeću izvještaj o svom radu, a najkasnije do 20. novembra u godini u kojoj se dodjeljuju priznanja, a uz izvještaj dostavlja i prijedlog svih predloženih kandidata putem oglasa, kao i rang listu svih kandidata sa obrazloženjem rangiranog redoslijeda svih kandidata.

**Član 14.**

Prijedlozi za dodjelu priznanja moraju biti pismeno obrazloženi i sadržavati:

- ime, ime oca, prezime i adresu kandidata, odnosno naziv privrednog društva, ustanove, vjerske zajednice, udruženja građana i drugih pravnih subjekata koji se predlažu za dodjelu priznanja,
- obrazloženje prijedloga zbog kojih se pojedinac ili pravna osoba predlaže za dodjelu priznanja,
- odgovarajuću dokumentaciju kojom se potvrđuju navodi iz obrazloženja.

**Član 15.**

Stupanjem na snagu ove Odluke prestaje da važi Odluka o općinskim priznanjima općine Tešanj ("Službeni glasnik Općine Tešanj" broj 10/07 i 9/14).

**Član 16.**

Ova Odluka stupa na snagu narednog dana od dana objavljivanja u "Službenom glasniku Općine Tešanj".

**OPĆINA TEŠANJ  
OPĆINSKO VIJEĆE****PREDSJEDAVAJUĆI VIJEĆA****Senad N. Subašić, s. r.****Broj: 01-02-1-866-1/15****Datum: 29.04.2015. godine**

Na osnovu člana 66., 67. i 68. stav 2. Zakona o vodama ("Službene novine Federacije Bosne i Hercegovine", broj: 70/06) i člana 40. stav 2. Zakona o vodama ("Službene novine ZE-DO kantona", broj 17/07) a u skladu sa članom 7. Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnadbijevanje stanovništva ("Službene novine Federacije Bosne i Hercegovine", broj: 88/12) i člana 14. Statuta Općine Tešanj («Službeni glasnik Općine Tešanj», broj: 11/07), Općinsko vijeće Tešanj na svojoj 29. sjednici, održanoj 28.4.2015. godine, donosi

**O D L U K U****o zaštitnim zonama i zaštitnim  
mjerama izvorišta vode za piće  
"ROSSA"- Ljetinić, općina Tešanj****I OPĆE ODREDBE****Član 1.**

(1)Ovom Odlukom utvrđuju se zone sanitarne zaštite izvorišta vode za piće "ROSSA" Ljetinić, općina Tešanj (u daljem tekstu: izvorište) sa kojeg se vrši snadbijevanje vodom potrošača na području mjesnih zajednica Ljetinić, Novo Selo, Rosulje, dio Medakova i Gornji Žabljak, veličina i granice zona sanitarne zaštite, mjere i režimi zaštite, nadzor nad provođenjem ove Odluke, kaznene odredbe i druga pitanja od značaja za provođenje sanitarne zaštite izvorišta.

**Član 2.**

(1)Izvorište se nalazi u naselju Ljetinić, općina Tešanj i smješteno je na k.č. 321/1, k.č. 230/2 i k.č. 88/2 i koristi se za potrebe vodosnadbijevanja.

(2)Izvorištem upravlja privredno društvo "ROSSA" doo Ljetinić, Tešanj.

**Član 3.**

(1) Zaštita izvorišta vrši se uspostavljanjem i održavanjem zona sanitarne zaštite i zaštitnih mjera, koje su utvrđene u skladu sa lokalnim uslovima, na osnovu provedenih istražnih radova i stručnog elaborata.

**Član 4.**

(1) Utvrđivanje zona sanitarne zaštite i zaštitnih mjera vrši se u cilju zaštite vode izvorišta od svih vidova zagađenja i štetnih uticaja koji mogu nepovoljno djelovati na higijensku ispravnost vode za piće ili na izdašnost bunara.

**Član 5.**

(1) Urbanističko uređenje prostora, građenje, privredne, poljoprivredne i druge djelatnosti mogu se vršiti samo na način i u mjeri koji su utvrđeni ovom Odlukom.  
 (2) Privredna društva, federalni, kantonalni i općinski organi uprave, druga pravna i fizika lica i građani dužni su se pridržavati odredbi ove Odluke i primjenjivati propisane mjere zaštite.

## II ZONE SANITARNE ZAŠTITE I ZAŠTITNE MJERE

**Član 6.**

(1) U skladu sa Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnadbijevanje stanovništva ("Službene novine Federacije Bosne i Hercegovine", broj: 88/12), izvorište "ROSSA" Ljetinić predstavlja izvorište podzemnih voda u akviferima inergranularne poroznosti.  
 (2) U skladu sa članom 6. Pravilnika za ovu vrstu izvorišta utvrđuju se tri zone sanitarne zaštite i to:

1. I zaštitna zona - zona najstrožijeg režima zaštite;
2. II zaštitna zona - zona ograničenog režima zaštite;
3. III zaštitna zona - zona blagog režima zaštite

### PRVA ZAŠTITNA ZONA (zona najstrožijeg režima zaštite)

**Član 7.**

(1) Područje prve (I) zaštitne zone obuhvata prostor oko vodozahvatnog objekta i njegovog zaleđa, kojim se vodozahvatni objekti štite od slučajnog ili namjernog zagađenja ili oštećenja.  
 (2) Granica I zaštitne zone proteže se oko vodozahvatnih objekata-bunara na izvorištu.  
 (3) Zemljište I zaštitne zone se nalazi na parcelama k.č. 230/2, k.č. 323/1 i 88/2 koje su upisane kao posjed MZ Ljetinić, a u skladu sa Sporazumom o upravljanju i održavanju vodoovda "ROSSA" vlasništvo je građana koji su izgradili vodovod.

(4) Na području I zaštitne zone nalaze se slijedeći objekti:

- Bunar B-1 sa pumpnom stanicom i rezervoarom  $V=3 \text{ m}^3$  na lokaciji ( $X=6.499.407$ ,  $Y=4.947.258$ ),
- Bunar B-2 na lokaciji ( $X=6.499.369$ ,  $Y=4.947.332$ ),
- Bunar B-3 na lokaciji ( $X=6.499.323$ ,  $Y=4.947.423$ ).

Na označenim objektima nalaze se pripadajuće armature, elektro instalacije i druga pripadajuća oprema.

(5) Pored objekata iz prethodnog stava, na području I zaštitne zone mogu se, uz primjenu propisanih mjera zaštite, graditi ili nalaziti i drugi vodoprivredni objekti, kao što su vodozahvatni objekti, rezervoari, pumpne stanice, trafo stanice, administrativni objekti, prilazni i unutrašnji putevi i drugi objekti koji su neophodni za rad sistema za vodosnadbijevanje.

(6) Površina I zaštitne zone oko vodozahvatnih objekata – bunara na izvorištu "ROSSA" je oko  $10.457 \text{ m}^2$ .

(7) Situacioni položaj I zaštitne zone prikazan je na situaciji u prilogu u MJ=1:10000.

**Član 8.**

(1) Vodoprivredni i drugi objekti iz člana 7. ove Odluke i njima pripadajuća oprema u vlasništvu su grupe građana mjesnih zajednica Ljetinić, Novo Selo, Rosulja, dijela Medakova i Gornjeg Žabljaka.

(2) Vlasnik vodoprivrednih objekata iz prethodnog stava za Operatora vodovodnog sistema formirao je privredno društvo "ROSSA" doo Ljetinić, Tešanj.

(3) Vlasnik/Operator (daljem tekstu: vlasnik) vodoprivrednih objekata uređivati će imovinsko-pravne odnose na projektovanim lokacijama hidrograđevinskih objekata.

(4) Vlasnik vodoprivrednih objekata nadležan je za sprovođenje svih zaštitnih mjera propisanih ovom Odlukom na području I zaštitne zone.

(5) Općina Tešanj na čijoj teritoriji se nalaze zaštitne zone odgovorna je za sprovođenje svih zaštitnih mjera propisanih ovom Odlukom.

**Član 9.**

(1) Vlasnik vodovodnog sistema obavezan je ograditi područje I zaštitne zone izvorišta i istaći upozorenje o zabrani neovlaštenog pristupa te osigurati stalni elektronski i/ili fizički nadzor.

(2) Ograda iz prethodnog stava ovog člana mora biti izvedena na način da spriječi neovlašten ili nasilni ulazak na područje I zaštitne zone.

**Član 10.**

(1) Vlasnik vodovodnog sistema je dužan na odgovarajući način obilježiti I zaštitnu zonu, što naročito uključuje naziv izvorišta i zaštitne zone, naziv vlasnika i korisnika, broj dežurnog telefona za hitne slučajeve i upozorenje o zabrani neovlaštenog pristupa.

(2)Pristup ograđenim prostorima unutar I zaštitne zone izvorišta dozvoljen je samo zaposlenim licima koje odredi vlasnik vodovodnog sistema, nadležnim inspekcijskim organima za vrijeme vršenja kontrole, kao i drugim licima uz posebnu dozvolu i evidenciju vlasnika vodovodnog sistema, što se precizira općim aktom o održavanju i korištenju vodnih objekata iz člana 20. stav 4. Zakona o vodama.

(3) Lica koja stalno ili povremeno rade na objektima unutar I zaštitne zone moraju biti podvrgnuta periodičnim liječničkim pregledima, u skladu sa odgovarajućim propisima o sanitarnoj zaštiti.

### Član 11.

(1)Mjere sanitarne zaštite u I zaštitnoj zoni utvrđuju se u skladu sa uslovima Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnadbijevanje stanovništva, pri čemu se ne dozvoljavaju nikakve aktivnosti koje nisu u vezi sa radom vodoprivrednih objekata za vodosnadbijevanje. Zbog toga se na području I zaštitne zone izvorišta i vodozahvatnih objekata mogu nalaziti samo objekti i oprema koji su neophodni za rad.

(2)U I zaštitnoj zoni dopuštena je uz standardne mjere zaštite:

- Izgradnja kanalizacije i drugih infrastrukturnih instalacija koje omogućuju redovno funkcionisanje objekata vodozahvatnog područja;
- Prirodni uzgoj trave bez upotrebe đubriva i drugih agrotehničkih sredstava.

(3)Rad vodoprivrednih i ostalih objekata na izvorištu kao i njima pripadajuće opreme, mora se obavljati uz primjenu propisanih mjera zaštite, kako ne bi došlo do ugrožavanja izvorišta tokom rada u normalnim i vanrednim situacijama.

## DRUGA ZAŠTITNA ZONA (zona strogog režima zaštite)

### Član 12.

(1)Područje II zaštitne zone obuhvata prostor od granice I zaštitne zone iz člana 7. ove Odluke do vanjskih granica II zaštitne zone.

(2)Vanjska granica II zaštitne zone izvorišta počinje tačkom A (X=6.499.673, Y=4.947.248), koja se nalazi s lijeve strane puta Ljetini-Barice-Papuč-polje i ide blago sjverozapadno do tačke A<sub>1</sub> (X=6.499.382, Y=4.947.720), koja se nalazi s desne strane korito rijeke Usore. Linija između tačke A i A<sub>1</sub> predstavlja zajedničku liniju za II i III zaštitnu zonu. Od tačke A<sub>1</sub> ide desnom stranom Usore uz samo korito rijeke kroz tačke E (X=6.499.281, Y=4.947.700), F (X=6.499.261, Y=4.947.856), G (X=6.499.123, Y=4.947.867), H (X=6.498.937, Y=4.947.277) i A<sub>2</sub> (X=6.498.794, Y=4.947.144). Od tačke A<sub>2</sub> skreće jugoistočno i ide do

tačke A<sub>3</sub> (X=6.498.876, Y=4.946.934), koja se nalazi s lijeve strane puta, tu povija sjeveroistočno i ide lijevom stranom puta preko tačaka A<sub>4</sub> (X=6.499.152, Y=4.947.079), A<sub>5</sub> (X=6.499.312, Y=4.947.178), A<sub>6</sub> (X=6.499.430, Y=4.947.246) i ide na polaznu tačku A.

(2)Ukupna površina II zaštitne zone iznosi 0,365 km<sup>2</sup>, dok obim ovoga područja iznosi 2,95 km.

(3)Situacioni položaj II zaštitne zone prikazan je na situaciji u prilogu u MJ=1:10000.

### Član 13.

(1)U skladu sa uslovima Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnadbijevanje stanovništva, na području II zaštitne zone izvorišta zabranjuju se u potpunosti:

- izgradnja novih urbanih naselja;
- proširenje postojećih urbanih naselja;
- individualna stambena izgradnja uz korištenje samostalnih sistema za tretman otpadnih voda (npr. septičke jame);
- izvođenje ili obavljanje bilo kakvih aktivnosti koje izazivaju i/ili pospješuju eroziju tla;
- iskopi u vodonodnom sloju;
- izgradnja i rad kamenoloma i drugih pozajmišta materijala;
- minerski i drugi građevinski radovi koji nisu u funkciji vodosnadbijevanja, a koji mogu poremetiti kompoziciju vodonodnih slojeva;
- izvođenje istražnih radova za naftu, mineralne vode, zemni plin kao i druge materije koje mogu ugroziti kvalitet vode na izvorištu;
- izgradnja i rad transformatorske stanice i manevarskih vojnih poligona;
- izgradnja novih, korištenje ili proširenje postojećih grobalja;
- ispuštanje nepročišćenih otpadnih voda;
- izgradnja i rad postrojenja za tretman urbanih otpadnih voda;
- odlaganje bilo kakvog čvrstog, građevinskog, komunalnog i drugog otpada;
- izgradnja i rad sanitarnih deponija;
- izgradnja i rad postrojenja za tretman mulja u sastavu postrojenja za tretman otpadnih voda;
- izgradnja i rad postrojenja za tretman životinjskog otpada;
- podzemna i površinska eksploatacija mineralnih sirovina, izgradnja i rad objekata za deponovanje, mljevenje i preradu sirovina i jalovine;
- izgradnja i rad industrijskih pogona koji mogu biti opasni po kvalitet vode (rafinerije, pogoni metalne, hemijske i gumarske industrije, industrije papira i celuloze, kožarske i prehrambene industrije);
- izgradnja gasne, termo i nuklearne elektrane;

- izgradnja industrijskih skladišta i deponija sirovina i hemikalija opasnih za vode, radioaktivnih tvari i otpada, šljake i pepela i industrijskog otpada opasnog za kvalitet vode;
- izgradnja autocesta i cesta rezervisanih za motorni saobraćaj;
- izgradnja depoa za teška vozila;
- izgradnja i rad autobusnih stanica i terminala;
- izgradnja željezničkih pruga, ranžirnih stanica i terminala;
- izgradnja i rad aerodroma ili poletno-sletnih staza za korištenje u zračnom saobraćaju;
- izgradnja i rad cjevovoda za transport tekućina opasnih za kvalitet vode;
- cestovni transport hemikalija, tečnih goriva i drugih opasnih materija;
- transport i skladištenje nafte i naftnih derivata (nadzemni i podzemni spremnici, pretakališta, benzinske stanice uz saobraćajnice);
- intenzivna stočarska i peradarska proizvodnja;
- deponovanje čvrstog ili tečnog stajnjaka za pojedinačna domaćinstva;
- intenzivna ispaša stoke;
- napajanje stoke na površinskim vodotocima;
- skladištenje đubriva i pesticida;
- poljoprivredna proizvodnja praćena intenzivnim korištenjem vještačkih đubriva, stajnjaka, pesticida, herbicida i insekticida;
- navodnjavanje prečišćenim otpadnim vodama;
- nekontrolisana sječa i krčenje šume.

#### Član 14.

(1) Dopuštene aktivnosti na području II zaštitne zone uz standardne i dodatne mjere zaštite su:

- održavanje postojećih građevinskih objekata bez promjene namjene;
- izgradnja urbanih saobraćajnica i pripadajućih objekata (parkirališta, mostova, tunela...);
- skladištenje ograničenih količina lož ulja ili pogonskog goriva za poljoprivredne mašine za potrebe individualnih domaćinstava;
- stočarska i peradarska proizvodnja za vlatite potrebe pojedinačnih domaćinstava;
- poljoprivredna proizvodnja zdrave hrane bez korištenja vještačkih đubriva, stajnjaka, pesticida, herbicida i insekticida te prirodni uzgoj trave bez upotrebe đubriva i drugih agrotehničkih sredstava;
- kontrolisana sječa i krčenje šume;
- izgradnja i rad sportsko rekreacionih i banjско-riječičilišnih objekata;
- kampovanje ili drugi vid organizovanog okupljanja ljudi u prirodi;
- izgradnja i rad otvorenih sportskih terena;

(2) Dopuštene aktivnosti na području II zaštitne zone uz standardne mjere zaštite su:

- deponovanje industrijskog otpada bezopasnog za kvalitet vode;
- rekreacioni i sportski ribolov.

### TREĆA ZAŠTITNA ZONA (zona ograničenog režima zaštite)

#### Član 15.

(1) Područje III zaštitne zone obuhvata prostor od vanjske granice II zaštitne zone do vanjskih granica III zaštitne zone.

(2) Vanjska granica III zaštitne zone počinje tačkom A (X=6.499.673, Y=4.947.248), koja se nalazi s lijeve strane lokalnog puta Ljetinić-Barice-Papuć-polje i ide lijevom stranom tog puta do tačke B (X=6.499.728, Y=4.947.896), odakle povija blago sjeverozapadno do tačke C (X=6.499.518, Y=4.948.083), koja se nalazi uz samo korito rijeke Usore. Dalje granica nastavlja uzvodno lijevom stranom rijeke do tačke D (X=6.499.519, Y=4.947.913), i nastavlja istom stranom rijeke do tačke A<sub>1</sub> (X=6.499.382, Y=4.947.720), koja predstavlja zajedničku tačku za II i III zaštitnu zonu. Iz tačke A<sub>1</sub> vanjska granica II zaštitne zone skreće jugoistočno u polaznu tačku A. Iz tačke A ide blago jzgozapadno s desne strane lokalnog puta do tačke M (X=6.499.679, Y=4.946.867), koja se nalazi na skretanju s magistralnog puta Teslić-Doboj i ide lijevom stranom magistrale, prolazi iznad izvora Sankovac i dolazi do tačke L (X=6.498.805, Y=4.946.513), ovdje skreće i ide blago sjeverozapadno do tačke K (X=6.498.763, Y=4.946.629), koja se nalazi s lijeve strane puta, nastavlja se pružati lijevom stranom puta do tačke J (X=6.498.637, Y=4.946.851). U ovoj tački linija vanjske granice III zone povija sjeverno i ide do tačke I (X=6.498.640, Y=4.947.102) koja se nalazi uz korito rijeke Usore na desnoj strani obale, odakle nastavlja uz rijeku do tačke A<sub>2</sub> (X=6.498.794, Y=4.947.144).

(3) Ukupna površina III zaštitne zone iznosi 0,61 km<sup>2</sup>, dok obim ovog područja iznosi 5,46 km.

(4) Situacioni položaj III zaštitne zone prikazan je na situaciji u prilogu u MJ=1:10000.

#### Član 16.

(1) U skladu sa uslovima Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnadbijevanje stanovništva, na području III zaštitne zone izvorišta zabranjuju se u potpunosti:

- iskop u vodonosnom sloju;
- izgradnja i rad kamenoloma i drugih pozajmišta materijala;
- minerski i drugi građevinski radovi koji nisu u funkciji vodosnadbijevanja, a koji mogu poremetiti kompoziciju vodonosnih slojeva;

- bilo kakve aktivnosti manevarskih vojnih poligona;
- ispuštanje nepročišćenih urbanih otpadnih voda;
- odlaganje bilo kakvog čvrstog, građevinskog, komunalnog i drugog otpada;
- izgradnja i rad sanitarnih deponija;
- rafinerije;
- pogoni hemijske industrije;
- rad nuklearnih elektrana;
- skladištenje industrijskih sirovina i hemikalija opasnih za vodu;
- skladištenje i deponovanje radio-aktivnih tvari i otpada;
- deponije industrijskog otpada opasnog za kvalitet vode na izvorištu;
- ispuštanje ili akumuliranje nepročišćenih industrijskih otpadnih i rashladnih voda ;
- izgradnja depoa za teška vozila;
- izgradnja i rad aerodroma ili poletno-sletnih staza za korištenje u zračnom saobraćaju;
- izgradnja i rad cjevovoda za transport tekućina opasnih za kvalitet vode;
- nadzemni i podzemni spremnici i pretakališta za transport i skladištenje nafte i naftnih derivata;
- skladištenje đubriva i pesticida;
- poljoprivredna proizvodnja praćena intenzivnim korištenjem vještačkih đubriva, stajnjaka, pesticida, herbicida i insekticida;
- navodnjavanje pročišćenim otpadnim vodama;
- nekontrolisana sječa i krčenje šume;

#### Član 17.

(1)Dopuštene aktivnosti na području III zaštitne zone uz standardne i dodatne mjere zaštite su:

- izgradnja novih urbanih naselja;
- proširenje postojećih urbanih naselja:
- individualna stambena izgradnja uz korištenje samostalnih sistema za tretman otpadnih voda (npr. septička jama);
- izgradnja transformatorskih stanica;
- vađenje materijala iz vodotoka;
- izgradnja i rad kamenoloma i drugih pozajmišta materijala;
- izvođenje istražnih radova za naftu, mineralne vode, zemni plin kao i druge materije koje mogu ugroziti kvalitet vode na izvorištu;
- izgradnja novih, korištenje ili proširenje postojećih grobalja;
- izgradnja i rad postrojenja za tretman urbanih otpadnih voda;
- izgradnja i rad postrojenja za tretman mulja u sastavu postrojenja za tretman otpadnih voda;
- izgradnja i rad postrojenja za tretman životinjskog otpada;
- podzemna i površinska eksploatacija mineralnih sirovina, izgradnja i rad objekata za deponovanje, mljevenje i preradu sirovina i jalovine;

- pogoni metalne, gumarske, industrije papira i celuloze, kožarske i prehrambene industrije;
- rad termo i gasnih elektrana;
- skladištenje i deponovanje šljake i pepela;
- izgradnja i rad industrijskih kanalizacionih sistema i postrojenja za tretman otpadnih voda;
- izgradnja urbanih saobraćajnica i pripadajućih objekata (parkirališta, mostova, tunela....);
- izgradnja autocesta i cesta rezervisanih za motorni saobraćaj;
- izgradnja i rad autobusnih stanica i terminala;
- izgradnja željezničkih pruga, ranžirnih stanica i terminala;
- cestovni transport hemikalija, tečnih goriva i drugih opasnih materija;
- benzinske stanice uz prometnice;
- skladištenje ograničenih količina lož ulja ili pogonskog goriva za poljoprivredne strojeve za potrebe individualnih domaćinstava;
- intenzivna stočarska i peradarska proizvodnja;
- stočarska i peradarska proizvodnja za vlastite potrebe pojedinačnih domaćinstava;
- deponovanje čvrstog ili tečnog stajnjaka za pojedinačna domaćinstva;
- intenzivna ispaša stoke;
- napajanje stoke na površinskim vodama;
- izgradnja i rad sportsko-rekreativnih i banjsko-lječilišnih objekata;
- kampovanje ili drugi vid organizovanog okupljanja ljudi u prirodi;
- izgradnja i rad otvorenih sportskih terena;
- izgradnja i rad igrališta za golf;
- izgradnja i rad skijališta

#### Član 18.

(1)Dopuštene aktivnosti na području III zaštitne zone uz standardne mjere zaštite su:

- održavanje postojećih stambenih objekata;
- deponovanje industrijskog otpada bezopasnog za kvalitet vode;
- poljoprivredna proizvodnja zdrave hrane bez korištenja vještačkih đubriva, stajnjaka, pesticida, herbicida i insekticida;
- prirodni uzgoj trave bez upotrebe đubriva i drugih agrotehničkih sredstava;
- kontrolisana sječa i krčenje šume;
- rekreacioni i sportski ribolov

### III POSEBNE MJERE KONTROLE

#### Član 19.

(1)Praćenje promjena u slivu izvorišta koje mogu uticati na kvalitet vode na izvorištu "ROSSA" Ljetinić

sprovodi se mjerama posebne kontrole, koje naročito uključuju inspekcijske kontrole slivnog područja.

#### IV NADZOR NA PROVOĐENJEM ODLUKE

##### Član 20.

- (1)Nadležna Općinska služba vrši upravni nadzor nad provođenjem ove Odluke.  
(2)Inspekcijski nadzor nad provođenjem ove Odluke vrše organi kantonalne i općinske inspekcije, a u skladu sa njihovim stvarnim nadležnostima.

#### V KAZNENE ODREDBE

##### Član 22.

- (1)Novčanom kaznom od 1.000,00 do 5.000,00 KM kaznit će se za prekršaj pravno lice:  
a)ako vrši aktivnosti koje se u pojedinim zaštitnim zonama zabranjuju u potpunosti;  
b)ako vrši aktivnosti koje se u pojedinim zaštitnim zonama dopuštaju, ali ne provodi standardne i dodatne mjere zaštite;  
c)ako vrši aktivnosti koje se u pojedinim zaštitnim zonama dopuštaju, ali ne provodi standardne mjere zaštite;  
d)ako ne postupi u skladu sa članom 8. ove Odluke;  
e)ako ne izvrši ili neblagovremeno izvrši radnje iz člana 25. i 26. ove Odluke;  
(2)Za prekršaj iz stav 1. ovog člana kaznit će se i odgovorno lice u pravnom licu novčanom kaznom u iznosu od 100,0 do 1.000,00 KM.

##### Član 23.

- (1)Novčanom kaznom od 100,00 do 500,00 KM kazniti će se za prekršaj fizičko lice ako vrši radove ili obavlja aktivnosti protivno zaštitnim mjerama propisanim u članu 10. ove Odluke.

#### VI PRELAZNE I ZAVRŠNE ODREDBE

##### Član 24.

- (1)Sastavni dio ove Odluke je grafički prilog na kome su prikazane granice zona sanitarne zaštite izvorišta.

##### Član 25.

- (1)Na područjima I, II i III zaštitne zone izvršiti će se uređenje prostora i provođenje zaštitnih mjera u skladu sa ovom Odlukom i Elaboratom zaštite u roku od 2 (dvije) godine od dana njenog donošenja.  
(2)Nadležni organi dužni su izvršiti radnje iz člana 8. stav 3. i 4 i člana 9. ove odluke u roku od 6 (šest) mjeseci od dana njenog donošenja.  
(3)Sredstva potrebna za realizaciju aktivnosti iz stava 1. i 2. ovog člana obezbijediti će vlasnici vodovoda.

##### Član 26.

- (1)Služba za katastar, urbanizam i imovinsko pravne poslove dužna je u roku od 30 dana od dana usvajanja ove Odluke granice zona sanitarne zaštite prenijeti na prostorno plansku dokumentaciju.

##### Član 27.

- (1)Ova Odluka stupa na snagu narednog dana od dana objavljivanja u "Službenom glasniku Općine Tešanj".

### OPĆINA TEŠANJ OPĆINSKO VIJEĆE

#### PREDSJEDAVAJUĆI VIJEĆA Senad N. Subašić, s. r.

Broj:01-25-4-147-4/15

Datum: 29.4.2015.godine

Na osnovu člana 2. Zakona o osnovama sigurnosti saobraćaja na cestama Bosne i Hercegovine („Službeni glasnik BiH” broj 6/06, 75/06 i 44/07) i člana 14. Statuta Općine Tešanj (“Službeni glasnik Općine Tešanj” broj 11/07), Općinsko vijeće Tešanj na svojoj 29. sjednici održanoj dana 28.4.2015. godine d o n o s i

#### O D L U K U

#### o izmjenama i dopunama Odluke o organizaciji i sigurnosti saobraćaja na cestama

##### Član 1.

U Odluci o organizaciji i sigurnosti saobraćaja na cestama („Službeni glasnik Općine Tešanj“ broj: 3/10, 1/12 i 10/14) član 59. mijenja se i glasi:

„Radi sigurnog i neometanog odvijanja saobraćaja, zabranjeno je obučavanje kandidata u upravljanju motornim vozilima u danima vikenda u slijedećim ulicama u Tešnju:

1. "Nisima Albaharija",
2. "Titova",
3. "9.Septembar" i
4. "Alipaše Hećimovića"

Isto tako na regionalnoj cesti R 474 od Kružnog toka do benzinske pumpe „Ina“ u Tešnju, na regionalnoj cesti R 474 na potezu od Jevadžijskog puta do mosta Lejle Mulalić u Jelahu i dio LC od magistralnog puta M 4 do skretanja u Žabljak u Tešanjci, zabranjeno je obučavanje kandidata u upravljanju motornim vozilima pijačnim danom u vremenu od 07,00 - 13,00 sati".



**Član 2.**

Ova odluka stupa na snagu osmog dana od dana objavljivanja u „Službenom glasniku Općine Tešanj“.

**OPĆINA TEŠANJ  
OPĆINSKO VIJEĆE****PREDSJEDAVAJUĆI VIJEĆA  
Senad N. Subašić, s. r.**

**Broj: 01-02-1-875-2/15  
Datum: 29.4.2015. godine**

---

Općinsko vijeće Tešanj je na svojoj 29. sjednici održanoj dana 28.4.2015. godine, razmatrajući Izvještaj o izvršenju Budžeta za 2014. godinu, donijelo sljedeći

**ZAKLJUČAK**

Usvaja se Izvještaj o izvršenju Budžeta za 2014. godinu

**OPĆINA TEŠANJ  
OPĆINSKO VIJEĆE****PREDSJEDAVAJUĆI VIJEĆA  
Senad N. Subašić, s. r.**

**Broj: 01-14-1-811-2/15  
Datum: 29.4.2015.godine**

---

Općinsko vijeće Tešanj je na svojoj 29. sjednici održanoj dana 28.4.2015. godine, razmatrajući Izvještaj o izvršenju Budžeta za I kvartal 2015. godine, donijelo sljedeći

**ZAKLJUČAK**

Usvaja se Izvještaj o izvršenju Budžeta za I kvartal 2015. godine.

**OPĆINA TEŠANJ  
OPĆINSKO VIJEĆE****PREDSJEDAVAJUĆI VIJEĆA  
Senad N. Subašić, s. r.**

**Broj: 01-14-1-812-2/15  
Datum: 29.4.2015.godine**

---

Općinsko vijeće Tešanj je na svojoj 29. sjednici održanoj dana 28.4.2015. godine, razmatrajući Informaciju o zimskom održavanju lokalnih puteva na području općine Tešanj za sezonu 2014/2015.godina, donijelo sljedeći

**ZAKLJUČAK**

Prima se na znanje Informacija o zimskom održavanju lokalnih puteva na području općine Tešanj za sezonu 2014/2015.godina.

**OPĆINA TEŠANJ  
OPĆINSKO VIJEĆE****PREDSJEDAVAJUĆI VIJEĆA  
Senad N. Subašić, s. r.**

**Broj:01-27-5-773-3//15  
Datum: 29.4.2015.godine**

---

Općinsko vijeće Tešanj je na svojoj 29. sjednici održanoj dana 28.4.2015. godine, razmatrajući Informaciju o organizovanju i funkcionisanju sistema zaštite i spašavanja i zaštite od požara na području općine Tešanj za 2014. godinu, donijelo sljedeći

**ZAKLJUČAK**

Prima se na znanje Informacija o organizovanju i funkcionisanju sistema zaštite i spašavanja i zaštite od požara na području općine Tešanj za 2014. godinu.

**OPĆINA TEŠANJ  
OPĆINSKO VIJEĆE****PREDSJEDAVAJUĆI VIJEĆA  
Senad N. Subašić, s. r.**

**Broj: 01-44-5-423-11 /15  
Datum: 29.4.2015.godine**

---

Općinsko vijeće Tešanj je na svojoj 29. sjednici održanoj dana 28.4.2015. godine, razmatrajući Informaciju o ostvarivanju prava pripadnika boračkih populacija putem Službe za boračko-invalidsku zaštitu i opću upravu, donijelo sljedeći

**ZAKLJUČAK**

Prima se na znanje Informacija o ostvarivanju prava pripadnika boračkih populacija putem Službe za boračko-invalidsku zaštitu i opću upravu.

**OPĆINA TEŠANJ  
OPĆINSKO VIJEĆE****PREDSJEDAVAJUĆI VIJEĆA  
Senad N. Subašić, s. r.**

**Broj: : 01-49-2-611-2/15  
Datum: 29.4.2015.godine**

---

Općinsko vijeće Tešanj je na svojoj 29. sjednici održanoj dana 28.4.2015. godine, razmatrajući Informaciju o ostvarivanju prava pripadnika boračkih populacija putem Službe za boračko-invalidsku zaštitu i opću upravu, na prijedlog vijećnika Adnana Lihića donijelo sljedeći

**ZAKLJUČAK**

Sugeriše se nadležnom Ministarstvu ZDK da uskladi propise sa mogućnostima u smislu raspisivanja poziva i izdavanju rješenja, da bi se izbjegla dosadašnja praksa po kojoj se izdaju rješenja za koja nema realnih šansi za realizaciju.

**OPĆINA TEŠANJ  
OPĆINSKO VIJEĆE****PREDSJEDAVALJUĆI VIJEĆA  
Senad N. Subašić, s. r.****Broj: 01-49-2-611-3/15****Datum: 29.4.2015.godine**

Općinsko vijeće Tešanj je na svojoj 29. sjednici održanoj dana 28.4.2015. godine, razmatrajući Informaciju o radu i poslovanju udruženja građana na području općine Tešanj za 2014.godinu, donijelo sljedeći

**ZAKLJUČAK**

Prima se na znanje Informacija o radu i poslovanju udruženja građana na području općine Tešanj za 2014.godinu.

**OPĆINA TEŠANJ  
OPĆINSKO VIJEĆE****PREDSJEDAVALJUĆI VIJEĆA  
Senad N. Subašić, s. r.****Broj: 01-14-7-763-2/15****Datum: 29.4.2015.godine**

Općinsko vijeće Tešanj je na svojoj 29. sjednici održanoj dana 28.4.2015. godine, razmatrajući Informaciju o radu i poslovanju udruženja građana na području općine Tešanj za 2014.godinu, na prijedlog vijećnice Bernadete Galijašević, donijelo sljedeći

**ZAKLJUČAK**

Da Općinska administracija u narednom periodu organizuje edukaciju upravljačkih struktura udruženja građana u oblasti vođenja knjigovodstva/evidencije.

**OPĆINA TEŠANJ  
OPĆINSKO VIJEĆE****PREDSJEDAVALJUĆI VIJEĆA  
Senad N. Subašić, s. r.****Broj: 01-14-7-763-3/15****Datum: 29.4.2015.godine**

Na osnovu člana 30. Statuta općine Tešanj (Službeni glasnik općine Tešanj” broj:11/07), Zakona o javnim nabavkama (“Službeni glasnik BiH” broj:39/14), u skladu sa Budžetom općine Tešanj za 2015.godinu a na zahtjev Službe civilne zaštite i Službe za boračko-invalidisku zaštitu i opće poslove općine Tešanj općinski Načelnik donosi:

**ODLUKU****o izmjeni Plana nabavki općine Tešanj  
za 2015.godinu****I**

U vezi sa ukazanim potrebama Općine Tešanj a na osnovu zahtjeva Službe civilne zaštite i Službe za boračko-invalidisku zaštitu i opće poslove općine Tešanj Plan javnih nabavki za 2015.godinu se mijenja tako što će tačke 43. i 44. Plana nabavki za 2015.godinu biti isplanirane na sljedeći način:

Tačka 43. Plana “Uređenje vodotoka na području općine Tešanj”, procijenjena vrijednost u Planu je 100.000,00 KM, kod ove stavke kod planiranja greškom su spojena sredstva za interventne-hitne mjere sa sredstvima za preventivne mjere. Na preventivne mjere otpada 45.000,00KM i realizuju se kroz Plan nabavki a sredstva za interventne mjere se troše kada nastupi stanje prirodne nesreće i ta sredstva se netroše primjenom Zakona o javnim nabavkama.

Tačka 44. Plana “Nabavka bazne IT opreme za 2015.godinu-redovno znavljanje”, procijenjena vrijednost u Planu je 20.000,00KM, ova stavka se umanjuje za 8.000,00KM (ostaje stavka od 12.000,00KM) sredstva se prebacuju Federalnoj geodetskoj upravi zbog realizacije projekta zajedničke nabavke računarske opreme za katastar općine Tešanj.

**II**

Ova Odluka objavit će se na web stranici ugovornog organa i čini sastavni dio Plana Javnih nabavki.

**III**

Ova Odluka stupa na snagu danom donošenja i objavit će se u Službenom glasniku Općine Tešanj.

**OPĆINA TEŠANJ  
OPĆINSKO VIJEĆE****OPĆINSKI NAČELNIK  
Suad Huskić, s.r.****Broj:02-2-1-390-4/2015****Datum:22.04.2015.godine**

# S A D R Ź A J

## I - AKTI OPĆINSKOG VIJEĆA

	<b>Strana</b>
52. Odluka o pristupanju izmjeni i dopuni regulacionog plana "Poslovna zona Glinište".....	47
53. Odluka o priznanjima Općine Tešanj.....	48
34. Odluka o zaštitnim zonama i zaštitnim mjerama izvorišta vode za piće „ROSSA“ Ljetinić.....	49
55. Odluka o izmjenama i dopunama Odluke o organizaciji i sigurnosti saobraćaja na cestama.....	54
56. Zaključak - Izvještaj o izvršenju Budžeta za 2014. godinu.....	55
57. Zaključak - Izvještaj o izvršenju Budžeta za I kvartal 2015. godine.....	55
58. Zaključak - Informacija o zimskom održavanju lokalnih puteva na području općine Tešanj za sezonu 2014/2015. godina.....	55
59. Zaključak - Informacija o organizovanju i funkcionisanju sistema zaštite i spašavanja i zaštite od požara na području općine Tešanj za 2014. godinu.....	55
60. Zaključak - Informacija o ostvarivanju prava pripadnika boračkih populacija putem Službe za boračko-invalidsku zaštitu i opću upravu.....	55
61. Zaključak na prijedlog Adnana Lihića sugestija Munistarstvu za BiZ ZDK.....	56
62. Zaključak - Informacija o radu i poslovanju udruženja građana na području općine Tešanj za 2014.godinu.....	56
63. Zaključak na prijedlog Bernadete Galijašević za edukacije upravljačkih struktura udruženja građana.....	56

## II - AKTI OPĆINSKOG NAČELNIKA

14 Odluka o izmjeni Plana nabavki općine Tešanj za 2015.godinu.....	56
---	----